

Get-Together – i va vinavant

Inscunter da linguas cun gruppas da viandar

■ (cp) Cun l'arrivada a Vrin, respectivamain a Saanen, è la segunda emna da project da Get-Together, Inscunter da las linguas, ida a fin per las gruppas da viandar. La finamira è cun quai pli datiers: traversar en tshintg emnas a pe tut las quatter regiuns linguistics da la Svizra. Las duas gruppas eran partidas ils 12 da fanadur a Chancy ed a Müstair. Cun il cumenzament da la terza emna vegnan ils cunfins linguistics ussa surpassads. Ina gruppa mida dal territori rumantsch en quel talian, la segunda gruppa da la Svizra franzosa en la Svizra tudestga. Suenten las experientschas da fin qua èn las gruppas mirvegliusas da quai che las spetga en las proximas emnas.

Ilis eveniments spezial da l'emna passada èn danovamain stads ils dus dis da project. A Losanna èn musica, saut ed art stads en il center. Differentas gruppas ed uniuns indigenas han purschi in program divertent als participants ed als giasts. Al di da project a Cuir è la lingua rumantscha stada il tema principal. Explicaziuns davart il sistem da scola rumantsch, ina visita tar Radio e Television Rumantscha sco er in curs da rumantsch grischun han furmà quest di.

Adina puspè èn las gruppas dentant era confruntadas cun sfidas. Temperaturas fraidas e plievias intensivass n'han betg rendì agreabels ils viadis. Ultra da quai han er ils viandants, che n'enconuschevan betg in l'auter avant il project, adina puspè stuì s'arranschar danovamain per collavurar. Quai è dentant in' experientscha che fa medemamain part dal project. Ilis eveniments positivs

Dus dals participont sin viadi.



In visita tar las soras dominicanas en claustra a Glion. MAD

predomineschan dentant cleramain fin uss: uschia p.ex. la grillada cun la populaziun, accumpagnada dad in concert e dad ina degustaziun da vin a Chexbres u era la pernottaziun en la claustra a Glion, nua che las mungias cordialas èn stadas sorprendidas da las enconuschientschas da rumantsch dals viandants.

Ilis organisaturs èn satisfatgs dal project da fin uss e s'allegran sin blers ulteriurs inscunters en las proximas emnas. I ha anc plaz per tut quels e quellas che han interess da viandar.

Dapli infurmaziuns davart la ruta da viandar e davart il project datti sin la pagina web www.get-together.ch.